

頁一

續
皇
朝
史
略

福岡第一師範學校
(學校圖書)

書 號	第	號
歷史科學		門
日本史		部
編 號	記 號	記 號
全 部		冊
分 冊	第	冊
210.8		21718

校
書

第	冊
九	大
流	冊

T1A1
26
A 5

續續皇朝史略卷之四

陸前 磐溪大槻清崇刪定

長門 桐陰石村貞一纂輯

東山天皇諱朝仁靈元帝第四子也母敬法門院內
大臣藤原宗條之女天和三年立為皇太子至是受
禪時年十三尊靈元帝為太上天皇○夏四月奉幣
於大廟告嗣位而行即位之禮○六月秋田輝季家
臣只越甚太夫山本兵助坐殺燕鳥處斬流其子殺
生之刑始甚○秋七月流不受不施僧日庭日弘於

佐渡纂畧○冬十月土屋政直為老中以大阪城代

內藤重賴為所司代以松平信興為城代藩翰○十

一月行大嘗會設悠紀至基二殿取嘗禾於近江丹

波以修焉後柏原帝廢此典以來海內擾亂不得復

行至是奉幣大廟而復之聞紀○是歲清商齋稟有詮

而至長崎人向井元成知其為耶蘇書訴之官綱告

命檢查之果邪教之書也稟有詮蓋西洋人傳汎際

所著畧纂○元禄元年春二月以前大納言藤原宗條

為內大臣尋罷以藤原家熙任之○夏四月詔東大

寺僧公慶募天下再造大佛殿至寶永二年而成本

續賢○綱吉讌飲於牧野成貞第後屢為之州○秋

九月改元元禄○冬十一月綱吉徙湯島知足院於

神田橋外經地方一里營伽藍其中以為祈禱之所

改曰護持院弘賢綱吉臨焉遂過成貞第親為猿樂

成貞令侍兒起舞成貞亦起舞盡驩而歸風也○是

歲命松平忠房松浦棟始造唐館於長崎長崎○二

年春正月司天官白老人星見諸有司獻酒賀之○

三月以攝政兼輝任關白○夏六月綱吉禁優童舞

女出入以第○綱吉又令曰凡猪鹿豺狼之類唯傷人害田園者許用鳥銃其他殺生者一切處刑○秋八月彈正尹八條親王尚仁薨年十九親王侍讀栗山愿撰保建大記文辭雅嚴議論確偉為世所稱後應永戶之聘入彰考館與三宅緝明等校大日本史寶永中卒年未四十○冬十一月綱吉携夫人臨成貞第自春至冬凡五回後以為常○綱吉封本莊宗資為列侯賜一萬石宗資綱吉之妻弟也綱吉之在館林招之京師授八百石至是封侯宗資為人循謹

常以盛滿為戒常掛五十錢於梁書其旁曰二扇函人惟問其故曰吾昔在京貧甚適關東招我吾乃之市欲買扇三柄贈之一搢紳以叙別囊中僅有五十錢市人聞關東招我不論價而授扇其窮如此今日身極顯榮獨忘寒素之時可乎故揭以自警耳○三年春正月魚輝辭關白以左大臣基熙代之○秋七月綱吉欲新孔子廟以忍岡狹隘命移之本鄉令松平輝貞督役又脩日光廟令井伊直諫督役直諫在日光三年而畢功還謁賜以名刀○八月綱吉以

日光廟成親為猿樂以落之召諸侯及諸士觀之○
綱吉喜怒無常近臣多忤旨獲罪或幽死牧野成貞
憂之勸綱吉召儒臣講經由是綱吉始好讀書至暗
誦孝經大學又勸召猿樂人作戲於是又學猿樂擢
散樂師三人為廊下番綱○冬十一月所司代內藤
重頼卒年六十三子清教嗣○十二月聖廟成○以
大阪城代松平信興為京師所司代○關白基熙辭
左大臣以右大臣兼熙補之以前內大臣經光為右
大臣○四年春正月以土岐頼殷為大阪城代○命

法印林春常等蓄髮任春常大學頭○二月遷忍岡
聖像於新廟綱吉親書大成殿三字以揭之而命畫
工狩野益信描七十二賢及先儒像改本鄉坂曰昌
平坂相生橋曰昌平橋年表續一覽○弘○三月綱
吉臨柳澤保明第保明新營亭榭供設甚盛綱吉大
悅賞資及家臣後數臨之寵遇日密松陰記○夏四月
禁日蓮宗悲田派流其僧及檀越二十六人於八丈
島八人於三宅寫五人於新島七人於神津弘賢
○六月肥後阿蘇山石降如雨○秋八月阿蘇池水

如血鯉鮒皆死○閏月所司代松平信興平小笠原
長重代之○綱吉奏起防火局於建禮門之南令小
出英利直馬自後近畿武族每半歲更直世謂之內
裡救火夫至享保而廢聞紀○五年春正月朔日有食
之○二月京師火○綱吉謁於聖廟遂親講論語於
是士大夫彬彬知向學實慶元以來所未有也綱○
冬十二月經光辭右大臣以前內大臣公規代之○
是歲水戸中納言光國聞植正成墓蕪廢歲久也遣
其儒臣修之以正成嘗食和泉河內攝津採石於三

國以造碑趺題曰嗚呼忠臣楠子之墓世以為義舉

續一

○六年春正月綱吉停用鬼羹表年○夏閏五月

安南國主送書於長崎謝其還漂民也通書○秋八月

公規辭右大臣以內大臣家熙代之權大納言藤原

實治為內大臣○冬十二月實治辭內大臣以權太

納言藤原輔實為內大臣輔實無暗之子也○綱吉

始造新大橋於隅田川

舊章錄

○七年夏四月詔遣左

近衛中將藤原定基等祭加茂上下廟所謂葵祭也

從後醍醐朝廢此典三百六十年於今而始修焉自

後綱吉歲納穀千五百石以充祭費云紀○五月式

部卿伏見親王貞致薨子邦永嗣紹運錄○綱吉令曰

愛物之令屢布民間而創傷之犬往往有之自今已

後犬被創隱匿不發者一村皆坐之又不許棄犬子

於路旁必所在收養畧集○冬十一月枯府下金魚放

之藤澤寺之池耕年○是歲誹人桃青歿桃青本名宗

房姓松尾藤堂氏臣也性好誹歌兼長禪學嘗慕僧

西行之為人致仕入京師從北村季吟學數年得其

蘊奧後結廬於江戶深川多植芭蕉自號芭蕉翁

續一○八年春正月綱吉以年滿五十賜宴當直者

諸藩獻酒叙賀之○三月綱吉始親講周易諸侯群

臣侍聽者四百三十人爾後每月數次五歲而畢風也

集○本多重益坐為政苛酷沒越前丸岡四萬三千

石○秋八月綱吉命改鑄金銀謂之元祿金先是綱

吉欲謁日光廟謀之執政執政曰日光之行非費十

萬金不可今殿下好施與國用匱乏十萬之財未易

遽辦也綱吉流涕曰我統理海內而不能辦數日之

行耶因不樂者累日執政憂之召諸有司議之萩原

重秀進曰海內金幣自有定數不可得而增減今若改鑄之淆以他金則其數自倍矣執政然之遂請改鑄綱吉可之於是和金以銅銀和銀以銅錫皆半原金海內惡幣之行始此識者竊慨焉舊章錄○冬十

一月綱吉造養犬場於城西中野之地先是綱吉令

傷狗者死殺狗者梟首有病狗則隣伍相告延醫治

之時有業犬醫而富者至是命吏括街坊壯犬每日

千頭放之中野群犬信信聲聞數里州又愛馬禁燒

馬頭毛及棄死馬於野犯者非死外三王○老中牧野

成貞致仕養子成春襲封○十二月以伏見邦永為

親王任中務卿補任○九年春三月天下大饑餓者相

望於途京市尹瀧川利庸等發穀一萬三千石賑軍

下及伏見民間紀○秋八月綱吉擢散樂師百餘人為

侍者於是市人競習猿樂以求仕進州○九月綱吉

臨柳澤保明第召儒生荻生茂卿令大學頭林信篤

詰談司馬溫公疑孟集也○冬十一月本院崩壽七

十四稱明正院葬於泉涌寺御譜○十年春正月贈圓

光大師號於僧源空遣少納言清原宣通於大谷寺

宣命大谷即知恩院也○二月納親王幸仁女幸子

為女御○閏月綱吉令諸藩改訂境內地圖上之○

夏四月以所司代小笠原長重為老中以松平信茲

補所司代先是每京尹交代獄囚皆斬長重深以為

非於是特留重囚放輕囚而還○五月以親王幸仁

叙一品任式部卿○六月以井伊直誠為大老○綱

吉鑄二銖金形如方金重半之其額置桐章款文曰

貳朱更命行新幣其直如故舊章○秋七月綱吉賜

麾下士五百苞以上米邑初萩原重秀建議曰麾下

士食廩祿者漕輓之費皆出於幕府不如賜采地於

近國以自收租稅則上下兩便綱吉然之乃檢諸藩

封地在近國者皆收之重秀又議曰其地雜租亦當

充秩祿之數戶田忠昌爭之曰夫食廩祿者遭凶饑

而不困國家之仁也今乃一賜采邑亦以雜租充祿

數則地愈縮小何以養士馬非所以待士也不聽於

是麾下士既失廩祿又不得速受邑人大困幕府

始買米府下以給之府下米價日貴時人莫不惡重

秀者集○是歲始稅酒戶酒戶皆私釀以占其利翁

秀者集○是歲始稅酒戶酒戶皆私釀以占其利翁

○十一年春二月老中大久保忠朝薨○夏五月梶
宜良卒於日光年八十七葬家光塋域之後成其志
也水戶光國嘗感宜良忠純書問不絕聞其愛馬欲
贈之良馬會訃至光國悼惜乃送馬於本寺作文以
祭之畧曰嘗聞孝子廬親墓者未覩忠臣廬君墓者
乃今於居士乎見之○秋七月柳澤保明任左近衛
權少將班在老中之上諸執政皆備員而已○九月
寬永寺中堂文珠樓二王門成初僧天海欲營中堂
及文珠堂以擬比叡山未果而沒公辦法親王欲繼

其志請之綱吉綱吉乃命柳澤保明統其事島津綱
貴獻材木以助其役至是成綱吉設法會以落之賜
僧徒銀二萬五千兩萬舞進奏一如足利義滿落相
國寺塔儀天皇親書齋號殿三字賜之綱吉揭之中
堂觀者雲集會數奇屋街失火南風猛烈烟焰漲天
東踰兩國橋至本莊南至八丁溝北則延燒及湯島
淺草寬永寺坊舍亦蕩然焦土唯中堂文珠樓僅免
時謂之中堂之火松陰記弘賢覺書○冬十月又火將及本
城衆登殿屋屋皆銅瓦衆苦其滑綱吉命取撈一千

聯繫布之屋上衆踐之得無顛墜火遂滅年表○十

二月綱吉發穀七千石賑前後遭災之民錄○是

歲柳澤保明臣細井知慎謂保明曰昔朝廷之衰海

內騷亂累聖山陵率皆蕪沒或失其地或為農夫所

發掘識者悲痛焉今海內無事百務脩備主君何不

及此時白幕府以脩山陵示明然之請之綱吉綱吉

乃遣使搜索其塋域其廢寢不可識者訪之父老考

之史傳必取有證左者然後因其故丘修築之新設

周垣耕牧者不得侵歲餘而畢功保明把握雅兩聘

招一時名士如知慎及荻生茂卿其最也纂○十二

年秋八月諸國大風屋舍壞倒時頻歲凶歉人民大

困綱吉造舍於本莊以養民○九月老中戶田忠

昌卒年六十八子忠真嗣忠真為奏者兼寺社奉行

別賜第宅食一萬石父子貴顯時人榮之柳澤保明

民嘗與隣境爭地保明民不直忠真欲決其訟以保

明權寵無比恐禍及父密謂忠昌曰兒欲決訟不出

於正則不忠欲出於正則恐其不利大人且為之如

何忠昌曰夫處公事唯當持正即父子取禍亦所甘

心若懼禍及剖決不正則不孝莫大焉忠真悅無何

綱吉臨保明第聽訟於是忠真判決曲直無所回避

一坐駭慄保明天色忠真尋辭職云戶田家譜○冬十月

以秋元喬知補左中○綱吉始造永代橋於港口又

鑿新渠於城南三田以利漕運氏大悅錄舊章○十三

年春正月朔日有食之二日行元節○左大臣藤原

房輔薨年六十四子兼熙嗣○三月井伊直該罷大

老○秋七月綱吉禁屠鱸鰻風也○九月修北野管

神廟○迎嵯峨清涼寺釋迦佛於江戶外城兩拜之

一本續○冬十二月中納言光國薨年七十一私謚

曰義公義公名重天下外蕃來長崎必問其安否義公

事○是歲關東又饑綱吉令酒戶減釀用米不得過

五分之一於是酒價騰貴而私釀益多有司遣吏巡

察吏受賄賄不致檢私釀吏有致富者酒戶亦多利

云綱○十四年春正月以稻葉正通為老中○三月

十四日綱吉延天使於城中俄而淺野長矩與吉良

義英鬪傷之綱吉大怒即日賜長矩死沒赤穗五萬

石初天使之至江戶綱吉令長矩及伊達宗春掌館

待事義英以高家預焉長矩獨以不習典節固辭之
執政執政曰吉良老練子宜就問何辭之為當此時
義英以耆宿居諸高家之上每天使至必攝接待之
任以故意甚驕傲諸共事者欲問舊儀皆行賄賂以
誘之長矩還邸又老臣安井藤井二人曰前有執政
之言吾將就吉良氏諮詢汝等宜議贈遺之事二人
素鄙吝對曰是自高家之職也何必贈遺長矩乃往
問舊儀義英指授甚踈長矩意不平是日長矩等集
廊廡下議事問義英曰天使至吾等迎之階下可乎

義英冷笑曰此等瑣事子尚不知而迫期急議無乃
為衆笑耶長矩益憤會夫人藤原氏使者梶川與二
至謂長矩曰禮畢必告僕將還報長矩曰諾義英從
旁謂梶川曰所議何事其當與聞不然必失便宜長
矩色動義英大聲言於同列曰鄙野之子不知禮節
何以能接大賓長矩不勝憤怒拔刀擊義英血流被
頭義英眩惑而俛再擊中背梶川從後抱持長矩衆
扶義英去綱吉聞之也怒就命囚長矩於田村建顯
邸以白書院血汚更見天使於黑書院禮畢綱吉召

老中土屋政直曰今日禮接天使在人臣最所當戒懼長矩乃率意闖狼以私滅公喋血殿中其罪萬死其速賜死政直曰謹諾但誅長矩而宥義英恐招異日之變不聽長矩遂受死於田村之邸十五日綱吉命脇坂安照木下利康往收赤穗城邑二十六日義英病辭職綱吉以義英無罪命待創愈起視事衆皆譏笑義英前倨而後怯也長矩計至赤穗也其老大石良雄大野某會群臣於城中米會者三百人良雄曰主辱臣死此誠吾輩死節之秋也然死固非難而處死實難諸君將何以死皆曰有枕此城以死耳又何議良雄曰諸君言固然但人臣之義猶有可自効於國家者今社稷雖亡有介弟大學君在可以奉先祀吾等宜以死請之幕府不聽則一死以從先君於地下固不待言耳大學即長廣也大野某獨執異議不從良雄乃與原元辰等定計叱大野曰危急之際何暇緩議子不宜在此座大野懼而起良雄乃遣多川月岡二人於江戶就受城使而訴焉後二日良雄復會衆議守城會者僅五十五人其餘皆不至良雄

曰官使來已有日而衆之離叛如此其何以守城不如待受城使至以此意自陳然後相與自裁城上以明志也衆曰善乃刺血同盟夏四月使者至江戶則受城使等既發於是與安井藤井等謀詣長矩外親戶田氏定致良雄言氏定驚曰此事若達幕府自大學以下重得罪大非所忠於國也因作答書令二人還報良雄聞之密謂同盟士曰事既至此吾等死於城非徒無益適足以累大學君吾當去城以待時耳遂定復讐之議初良雄為長矩所疎斥於事少所預

人或以為痴至是舉國譁騷文書雄案良雄處之有方條理不紊衆始歎服十八日受城使脇坂安照等至赤穗良雄等輸城而去義人錄○六月美濃兩電

傷人○京師大雷震百餘所○秋八月改造六孫王廟廟在八條大通寺即親王貞純第趾也○冬十一月詔進六孫王壺井廟級○關東大饑道殣相望綱吉命有司設場於厩渡東靈山寺側施粥及衣服至明年三月而止舊章錄○十五年春二月為菅原相公八百年忌辰因修萬燈會於北野廟○秋閏八月命

久世重久守荒井關罷荒井奉行譜畧○冬十月馬
醫橋本權之助坐殺犬賜死下令曰我所以禁殺生
欲使人人存仁愛之心也然猶有如橋本者自今已
後上下貴賤宜體吾意○十二月又令曰種烟草於
良田已有禁而近來犯法滋甚自今減種烟之地以
植嘉穀違令者處重刑○十五日故淺野長矩遺臣
大石良雄等四十七人夜襲吉良義英第獲其首復
主讐也初良雄等心期立長矩弟長廣存淺野氏後
也及綱吉錮長廣於安藝遂決意復讐乃率同盟士

至江戶散伏各處偵仇動靜則義英久避在上杉氏
第良雄等憂之有一茶翁出入義英第有讌會必與
焉大高忠雄知之詐為京商從翁學茶儀因以得聞
義英以十四日歸家事即報之良雄良雄會集同盟
戎服衷甲夜襲義英本莊第家衆出拒連闖八寢室
求義英不見驗褥尚暖則搜索宅中厨傍有室彷彿
如聞人聲揮斧破之則有人出衆爭趨之武林隆重
手刃其首視之所擒三人皆曰我主之首也衆踊躍
相賀遂裹首幟帛懸之槍干相護至芝泉岳寺奠以

祭長矩墓云良雄前已遣寺坂信行於安藝報之長
廣又令吉田兼亮富森正因請大監察仙石久高具
陳其實久高趨走登城白之綱吉即日送四十六人
分拘之細川松平毛利水野四家老中阿部正武嘆
曰今世有節義之士如此豈非盛事耶義人錄○十
六年春正月基熙辭關白左大臣兼熙代之○二月
綱吉議義英子義固不死於父難沒食邑毀其第為
棄地而賜大石良雄等死流其子弟於伊豆大島綱
吉之議良雄等罪也林信篤曰良雄等為主報仇天

下之大義也且其舉動慎詳莫非所以敬上也今若
以其擅用兵誅之將何以獎勵人臣宥之為可議未
決荻生茂卿謂柳澤吉保曰聞林氏請宥良雄等其
論固善然未達時宜也顧今宥良雄等上杉綱憲欲
廢之淺野吉長欲救之二家構難事將不測是宥四
十六人而招天下之禍也不如殺之議乃決綱吉謂
公辦法親王曰赤穗諸士忠烈無比殺之可惜不殺
則廢法將如之何親王不答退謂左右曰將軍之意
蓋欲使吾救諸士也吾以為此輩而不死不足以成

萬世之名所以不答也良雄等遺言葬長矩墓側四家皆如其言贈贈甚厚府下士民往弔者絡繹如市網憲者義固尤也覽一本續○冬十月江戸地大震

城壁多壞廬舍頽毀壓死無算安房二總伊豆相摸海益氏家漂沒死者甚多爾後地日震一日或數十

次半歲而止○網吉令毛利吉廣藤堂島睦立花宗政等修營本城翌日小石川火延燒至本莊深川兩

國槁焚溺死數百人焚死三千餘人舊章錄○是冬

天皇以天災荐臻人心不安奏神舞於內侍所奉幣

於二十一社禱天安穩○寶永元年春正月關白

兼熙辭左大臣以前右大臣經光為左大臣辭乃以

右大臣家熙代之以前內大臣實治補右大臣○二

月實治罷以內大臣輔實代之以權大納言源通茂

為內大臣罷以權大納言綱平補之○三月綱吉開

一河於和泉河內之間引大和川達於界浦長四里

二十八町曰新大和川使本多政武監其役○改元

寶永○綱吉命松平昌親等四人修城石壁昌親訪

柳澤吉保將有所諮稟當此時吉保勢傾內外與馬

填門常使家臣待客。是日昌親至，則吉保不在。欲見其意，平岡辭以公事。方劇，明日復往。平岡又辭如初。昌親怒曰：「吾所以來者，公事也，非私也。而平岡侮慢如此，吾將待濃州，還獲彼而甘心焉。」使人報其策，則老臣帥步騎千餘來圍吉保。第同族諸侯皆發衆助之，郎中震怖。吉保子吉里見昌親苦謝之不聽。吉保在城中聞之大驚，與酒井忠舉松平輝貞、土屋珍直夜潛還。入自後門，先令平岡急裝還國，而後與忠舉等出。見昌親，低頭謝曰：「君欲誅平岡固當然，僕將誅之於國，既已發遣，幸見宥恕。」一座從救解之。昌親意解而還。初，吉保愛寵平岡，平岡恃勢驕縱，動輒侮夫諸侯。諸侯不敢忤，贈遺相屬。及昌親有此事，聞者莫不稱快焉。○秋九月，老中阿部正武卒，年五十六。子正喬嗣。正武在職二十四年，以才幹稱。○島津綱貴卒。子吉貴嗣。綱貴嘗早上城及午，綱吉未出，見綱貴，見執政曰：「將軍未受謁，得非憚煩乎？」請辭。執政慰諭曰：「近日將軍受謁比昔少晚，而君早登城，所以為遲。君其待焉。」今將出受謁。綱貴曰：「今日不見，猶有他。」

日不可以僕輩故煩將軍將起執政固留乃復坐執政以告綱吉乃出見綱貴聞者嘆曰以今將軍之威嚴而諸侯猶有嘔彊如此者紳○以本多正永為老

中○綱吉養甲斐主綱重之子綱豐為儲嗣更名家

宣以本多正永為傳舊章○二年春三月綱吉叙正

二位任右大臣家宣叙從二位任權大納言○夏閏

四月綱吉為家宣造別館於海瀨令諸侯助役亭閣

華潔臨眺甚美每夏月擇童男女端麗者三百人入

之園中盛粧着鮮衣作挿秧之戲其費不貲○秋七

月參河遠江大水○八月綱吉禁萬石以下諸侯用

蓑箱○九月以井上正岑為老中○三年春三月權

中納言藤原基輔書湯島聖廟諸門匾額從綱吉之

請也○夏五月綱吉聽三親藩鹵簿用一薙刀四鐵

槍一傘一笠謂之士器○六月改鑄銀幣謂之寶字

銀皇代○秋七月綱吉賜祭田五百石於根津權現

祠初根津某故綱重臣也綱重沈湎於酒根津驟諫

不聽一日根津捫綱重舉白之手以固諫綱重怒手

刃之又酌忽見根津捫腕止飲之狀儼然如生綱重

驚懼遂作祠以祀之至是家宣憫其生父之臣而死
於諫也請綱吉置田園巫祝以供恒祀因有此命
○冬十一月綱吉禁與力同心以下服髮斗目及白
帷子○四年夏四月以皇子慶仁叙親王○五月以
女御幸子為准后○秋八月綱吉奉勅造東宮安藤
次誠小堀憲充監工功○冬十月伊勢近江濃尾駿
遠參地大震遠江海溢沒荒井關綱吉遣稻垣重富
等巡視久能山及諸國○周防長門地震○是月綱
吉令曰諸藩藏古金銀以資武備者宜出以易新金

若有用楮鈔者自今已後禁之○十一月以法親王
公辨為准后以法親王堯延為天台座主○二十三
日雷雨沙白晝如暗夜者三日駿河人白富士山焚
鳴動如雷人始知其非雷也綱吉即日遣使檢終駿
河參河駿河砂石沒地殆五尺爾後連夜雨沙不已
綱吉召僧徒問之曰天雨沙吉凶如何傳通院僧祐
天曰沙在地者也今從天而降不可謂之順禽獸待
人而生者也今將軍以禽獸殺人亦不可謂之順矣
綱吉不懌明日召祐天曰汝言甚直賜物賞之富嶽
進志

○基熙辭關白左大臣家熙代之○綱吉命酒井忠直真田信房等出役夫開驛路之埋者松平信高松平定重脩駿河城○九日雪富士火始滅其旁一峯涌出時人呼曰寶永山嶺○五年春正月關白家熙辭左大臣以右大臣輔實補之內大臣綱平為右大臣權大納言藤原伊季為內大臣○親王慶仁始讀書明經博士清原弘賢侍讀○閏月綱吉令曰去歲雨沙之變遠近被害武藏相摸駿河最甚其田園廢為不毛者宜給地於他處以贍之又令諸侯每秋

百石出金二兩大興徒役以除灰沙令松平綱政小笠原忠雄等鑿開相模川壅塞者○鑄當十大錢文曰寶永通寶○東宮成二月親王徒為遂立為太子右大臣綱平傳之○立准后幸子為皇后稱中宮綱吉遣使賀之○三月京師火皇宮罹災帝及皇太子避火於關白家熙第是日延燒一萬三百餘家焦土皆生白毛長四五寸○綱吉遣如藤明英中條信治於京師獻金五千枚及御衣御屏○秋七月畿內及近江伊勢大風神祠佛寺破倒者多○綱吉奉勅造

大內課天下諸侯助役○冬十一月淺間獄焚聲如雷雨灰沙於近旁諸國○十二月綱吉患麻疹○六年春正月每夜有群狐呼躍殿側綱吉令近臣蒙舉赴驅逐之九日疾愈十日暴薨年六十四家宣嗣○柳澤吉保請曰臣蒙故將軍殊遇宜以身殉而國有大禁請披剃以報之家宣曰卿言是也然祖宗以來未聞執政而披剃者卿安得廢祖宗之法宜待葬事畢致仕以披剃耳吉保於是不得不乞骸骨聞者服其善馭權臣○家宣下令停大錢又除殺生之禁綱

吉嘗謂家宣及吉保曰吾百歲之後慎勿廢殺生之禁至是家宣以為自殺生之禁行獲罪者不知其幾近日死獄中者有九人此禁不除天下無復蘇息之日矣乃召吉保諭之吉保曰公慮及之乃所以深愛故將軍也家宣拜柩而告曰殺生之禁在家宣一身永奉遺命至令於天下則不能無扞格請為萬民除之遂會衆下令云詔松陰○葬綱吉於寬永寺○二月詔贈綱吉正一位太政大臣兼常憲院遣內大臣藤原伊季於江戶宣命○是日織田秀親前田利昌至

寬永寺接伴天使俄而利昌以私怨殺秀親石川義孝受命拘利昌翌日賜利昌死一本續○三月蠲釀酒稅蠲○以權大納言通誠為內大臣○夏五月詔以家宣為征夷大將軍遷內大臣叙正二位○六月柳澤吉保致仕薙髮號保山○仙洞宮成上皇徙御焉○帝讓位於皇太子以關白家熙為攝政在位二十三年改元者二曰元祿曰寶永太子慶仁立是為中御門天皇

中御門天皇諱慶仁東山帝第五子也母新崇賢門

院內大臣藤原隆賀之女寶永五年為皇太子至是受禪年甫九歲尊東山帝為太上天皇稱新院○秋七月大內成○冬十月以前左大臣基熙為太政大臣○十一月帝徙御新宮○十二月基熙辭太政大臣○新院崩年三十五號東山院○所生藤原氏堯年三十五稱新崇賢門院○七年春正月葬東山帝於泉涌寺○二月老中土屋政直因頽齡免直月及連署○夏四月家宣命改鑄金幣與古金並行停貳朱金家宣之未拜閫職也執政請曰故將軍時國用

鑿竭改鑄金幣，淆以佗金，故其數倍蓰，而地震城壞，脩補立辦。今也國用匱乏，安知明日無災變，請再改鑄，以為之備。家宣曰：吾意不然。今拜將軍之儀，此則國之大禮，不可得而省也。苟得給其經費，其他則一切從節儉。萬一有不虞之變，吾將以一身當之。聞者感泣。尋又議改鑄惡幣，有司曰：元金雜銀錫居半，今造純金新幣，使大小板重如故，則海內金幣減其半，不如小其形，以充原數，而以故價行之。民明知其為純金，不敢不行。然後採金於各處礦山，漸補其不足。

以復慶長之舊也。若夫寶銀去其雜色而純之，則新幣之一可以直寶銀之三四。民明知其為純銀，亦不敢不行。家宣從之，遂命改鑄金幣，其小板及方金形如故，而薄小欸文曰乾世，謂之乾金。新幣去雜色而純之一，如慶長之舊，故無欸文。舊章錄纂畧○家宣領新令十七條。寶永新令○五月，老中小笠原長重罷，初綱吉封柳澤吉保於甲斐，許鹵簿用雜刀。長重諫曰：二事皆不可。然授城猶可他日，欲奪則奪。至雜刀，雖同姓諸藩猶有不得用者，奈何。許之。綱吉不聽，由此忤旨。

及家宣襲職間部詮房從伶人顯擢為列族長重耻

與之為伍遂稱病辭職薙髮號峯雲

家小語

○遣巡

檢使於諸州○六月勅修東福門院三十三回忌之

齋施米於貧民○秋八月詔贈甲斐綱重征夷大將

軍正一位太政大臣從家宣之請也○冬十一月奉

幣於大廟告嗣位行即位禮○琉球來聘聘使○十

二月以攝政家熙為太政大臣○正德元年春正月

帝元服太政大臣家熙加冠左大臣輔實理髮○遣

使大谷寺修僧源空五百年之齋上皇賜御書額曰

華頂山揭之山門大谷勅祭助於此○二月內大臣

通誠嚴以權大納言藤原家久為內大臣家久家熙

之子○井伊入道直誠再為大老先是井伊直恒卒

直誠以直恒弟直惟為嗣尚幼家宣召直誠於彦根

命畜髮視事○三月家宣聘三宅緝明室直清並為

儒臣新井君美薦之也○夏四月老中本多正永罷

以阿部正喬補之○改元正德○秋七月攝政家熙

辭太政大臣○八月家宣令曰頃因巡察使上言詳

聞郡國政治得失良治善政一無所見風俗衰頹四

民困窮予承職未久且有所慮不敢問其罪自今已後公田縣吏郡國領主大小政事其宜各自勉勵令四民安其業倘不竣舊弊者具論其罪蔑有攸赦新錄○冬十一月朝鮮來聘先是家宣命有司各錄呈事例新井君美上議十條其畧曰天朝天子稱曰天皇天子衆子稱曰親王蕃國君長亦皆稱王若百濟王任那王是也唐書曰日本初主皆以尊為號更以天皇為號然則王是非天朝天子之號故朝鮮記籍載日本天皇國王代序其所謂國王即稱我盟主也

強辭縱橫人莫能難焉家宣遂用君美之議乃令對

馬主曰兩國信書一如祖宗故事其他接待之儀悉皆改定其一曰使者至客館宜下輿入門我使至客館宜迎之階下既而使者既至大阪爭辨不從對馬老平田秀賢進曰吾主掌鄰好事百餘年於今諸君拒吾命以失兩國之好恐非貴國之利也諸君果不欲下階者吾將擁持諸君而下矣使者勉強從之遂至江戶示以改定議使者不敢違既而使有難曰貴國復書犯我國七祖諱願改之君美駁之曰臣子為君

父諱禮也安有使鄰國之君避國諱者世五世不諱自古而然奈何諱七世祖抑臣子之謂有所不忍耶貴國書既犯我國祖考諱何不先改書然後請之使者屈服如其言時人謂君美新進敢變更故事謗議喧然君美遂欲乞骸骨家宣曰我之有君美猶佛氏所謂一體分身也紛紜之議何足以介意君美感泣而止折焚柴記纂畧○家宣以對馬守宗義方處置得宜增封一千五百石宗家譜○三年春三月紅毛來聘○家宣置吏於草津駿府品川三所檢往來諸士之

之擔且定驛亭人馬錢旅宿錢之數○夏五月大阪城代土岐賴稔罷以內藤式信代之○秋八月攝政家熙罷以左大臣輔實代之○九月停鑄新幣○秋原重秀罷勘定奉行元祿中國用窮匱重秀建議造惡幣時人憎嫉焉而重秀益變易舊法姦蠹日甚及家宣襲職國用益窮重秀乃奮而擔當諸經費皆立辦執政大悅累增食邑至三千七百石新井君美獨不悅屢白其姦最後抗疏曰彼姦惡無比今不黜患必及國家臣不勝憤激彼而不黜臣必誣誣以死家

宣遂黜重秀削三千石時人相慶重秀憂憤不食而死○家宣疾自知不起召君美曰我若自不可諱傳國幼子隅松乎將傳尾州乎抑使尾州攝事乎三者孰可君美曰古有朝委裘者今嗣君雖幼為國儲貳誰敢背者假令尾公而攝事甲邸從駕之徒皆懷危疑而嗣君有小不豫人心搖動是啓亂階也今使嗣君紹統而輔以三藩何憂之有家宣意決冬十月疾病召三藩及執政曰吾將傳國於幼兒隅松卿等善輔之尾張吉通對曰祖宗之建三藩正為今日吉通

等同心協力以奉嗣君祖宗之業必不至墜矣因顧執政曰卿等慎勿忘今日之命一座聳動家宣又召有司曰事未經裁決者悉白之乃親聽之皆判決焉群臣獲罪屏居者皆賜寬赦左右近臣皆賜謁為永訣老人有流涕者則張目叱曰生必有死何其泣之為三日而薨年五十一隅松嗣年甫四歲召諸侯伯傳遺命曰吾以不肖繼東照公之緒夙夜勉勵思所以恢弘祖業不幸享世日淺宿志不遂遺憾曷已抑歷觀往古主幼國危概由大臣爭權樹恩相軋夫同

舟濟海胡越同心況在今世生長太平不浴東照公之恩澤汝群臣百僚其宜戮力協心以濟患難若背恩忘義以踐覆轍非徒國家之憂實天下萬姓之不幸也天下貴賤一體此意邇革○十一月葬於增上寺勅贈家宣正一位太政大臣號曰文昭院○十二月詔以隅松為權大納言叙正二位上皇勅改名家繼親添宸翰賜之補任折焚抄記○林信篤建言曰年號用正字古人以為不祥宜奏請改元間部詮房間之新井君美君美曰此明儒妄說非君子之言也正字

果凶耶一歲之首為正月是以不祥之月為歲首也豈有是理乎詮房乃止遺草○三年春三月紅毛來聘○夏四月詔以家繼任征夷大將軍遷內大臣○每將軍襲職大國諸侯各饗執政及班頭設散樂大約三歲而畢於是諸侯請享執政辭曰先將軍襲職四年諸侯享禮纔畢今奈何復行此禮姑停之待重有慶事可也諸侯皆大悅附○五月定婦女服制先是江戶風俗奢靡婦人衣服創意制造日新月盛華亦極矣執政欲矯其弊使間部詮房曰夫人藤原

氏所生勝田氏曰執政議禁奢侈而奢侈之弊實在婦人服飾今欲禁之令不行於後宮則無以令府下請留意焉二氏曰諾於是議決遂下令曰凡衣服之制禁用奇巧過制過制者抵罪○秋七月老中大久保忠增罷○八月以久世重之為老中○上皇薙髮稱素淨法皇○四年春二月井伊直誠罷大老○三月流勝田氏傳媼江島於信濃初家繼幼穉聞之禁稍弛江島美而淫頗有失行吏莫敢詰之二月勝田氏使江島詣增上寺歸路過木挽街戲場召戲子

輩狎飲後宮小吏在座江島叱曰汝等安得與我同席小吏怒曰戲子且同席何乃叱我還悉發其姦連累數十人府下為之洶洶遂有此命冊○夏五月改金銀諸幣復慶長純質表年○令西海諸侯曰蕃舶敢出沒邊海敢迫海岸者斬其人火其舶我舟擅迫蕃舶者必追捕之初綱吉時務系遠人法令寬縱清商或陵虐我賤民抗者抵罪由是外商稍稍專橫其後銅價騰踊互市不行長崎民或不能糊口往往私販海上清商亦或登岸侵掠土人拒之則執兵器劫之

長崎吏訴之江戶新井君美聞之憤然曰我國尚武萬國所知今受侮至此奈國體何遂建議請嚴防備因有此命○秋八月老中秋元喬知平子喬房嗣○九月以松平信庸戶田忠真並為老中以水野忠之為京師所司代○冬十二月琉球來聘○五年春二月減清及紅毛商船歲額清舶三十艘紅毛舶二艘為限給船牌曰汝等不欲守此法宜速引去勿再來長寄實記○三月攝政輔實辭左大臣以前右大臣實治代之○夏四月以東照宮百年忌辰行法會於日光

○秋七月禁訟獄者行賄賂於吏○八月實治辭左大臣以右大臣綱平補之內大臣家久陞右大臣權大納言吉忠為內大臣吉忠綱平之子也○麾下士生島幽軒自慶其壽八十集府下耆老於其宅會者志賀瑞翁小林勘齋左治宗見等凡七人瑞翁年百六十七勘齋百三十六宗見百七歲其餘四人皆九十以上云瑞翁生於天文十八年沒於享保中壽一百八十時以為人瑞紀聞○冬十二月晦江戶郭內火諸侯邸第多燬○享保元年春正月朔火未滅著禮

服者披防火裘者交錯於路及午時始燭○三月勝
田氏與間部詮房擁家繼遊內園家繼有所感冒遂
成疾夏四月薨年八歲○五月夫人藤原氏命源吉
宗入襲本宗吉宗固辭水戶綱條起執其手延之上
座遂為儲嗣時年三十三吉宗紀伊光貞第四子也
翌日吉宗命壞四脚門或諫曰古云三年不改父之
道門未可毀也吉宗曰知父祖不義而不改是為不
孝一時遲緩則一時之不孝一日懈怠則一日之耻
辱何憚而不改識者以為英邁之舉云滋谷手錄○葬家

繼於增上寺勅贈正一位太政大臣號有章院○老
中本多忠良間部詮房薨○秋七月改元享保○遣
巡察使於諸國○八月詔以吉宗為權大納言尋拜
征夷大將軍遷內大臣○冬十一月以攝政輔實復
任關白○納前攝政家熙女尚子為女御吉宗遣柳
澤吉里賀之○二年春正月江戸火郭內諸邸皆延
燒○秋九月吉宗以所司代水野忠之為老中以松
平忠周補所司代○冬十一月為皇弟直仁造中御
門第至是成名曰閑院直仁徙焉○三年春正月以

直仁為親王○秋八月大阪城代內藤式信嚴以安
藤信友代之○冬閏十月禁乾字幣○十一月朔日
南至○琉球來聘○吉宗好推步學是月始建測午
表於吹上苑○四年春三月修後白河帝五百年忌
齋綴民拜御真○冬十月朝鮮來聘○五年春正月
朔皇子昭仁生○以女御尚子為准后尋薨號新中
和門院○二月承秋門院患痘崩年四十一葬於泉
涌寺○吉宗令高瀨忠敦撰明律釋義忠敦紀伊人
也兼山澤松策○夏六月老中久世重之平○冬十月水

戶源宗亮獻大日本史於幕府水戶家記○十一月以昭
仁為親王○是歲吉宗檢群臣勤務滿十年者褒賞
有差○六年春正月禁綴銃捕鳥為業者○二月命
荻生茂卿訓點六諭行義松鑑○夏六月廢伊豆下田
奉行更置浦賀奉行○秋七月吉宗獻皇清經解康
熙字典及宋元諸儒經書注箋於御府錄盡○八月
置投書匣於評定所及京師大阪廳門前世謂之訴
狀箱嶮嶮○九月法皇幸修學院及林丘寺觀楓○冬
十二月吉宗禁衣服器玩用金銀及制新樣○七年

春正月輔實辭關白以左大臣綱平代之○二月吉宗命室直清譯六論衍義刊之以散民間又作字帖教孩兒○夏四月吉宗修家繼七年忌齋朝廷依例將遣天使賜萬部法會吉宗辭之自修千部會後以為常○五月關白綱平辭左大臣以右大臣家久補之內大臣吉忠武若大臣權大納言兼香為內大臣○老中井上正岑奉以安藤信友為老中○秋七月吉宗命莊內白川宇津宮諸藩修寬永寺廟○冬十月吉宗獵於戶田聞村鑿某教童子以歷世揭示賜

金及六論衍義大意一帙遍令童子學習焉風也○

八年春二月進抄本人曆神級曰正一位抄本明神

○三月法皇慶皇姊元璫大尼壽九十院中開宴醫

師岸本惟明年百二十侍宴獻詩法皇嘆賞其老而

壯賜之名畫○夏四月以松平乘邑為老中○冬十

二月清池翼亭勢元亭療馬集米獻吉宗賜金三枚

謝之年○九年春二月大阪火民多焚死法皇將幸

修學院觀杜鵑花聞其災憫然而止風也○秋七月

始置甲府城番以覽○九月吉宗召山田正朝講經

正朝醫員正芳之子時年十二人呼為神童麟興遠

○冬十二月以所司代松平忠周為老中以於野英

成為所司代○十年夏四月詔以吉宗長子家重為

權大納言叙從二位遣使就江戶拜之○六月以一

品內親王孝子為准后稱禮成門院是日薨年七十

六後光明帝第一女也紹運○秋七月水野忠恒發

狂俄拔刀擊毛利師就於城中監察戶田長田等救

之師就逃去得不死毛利○冬十月法皇幸林丘寺

謁後水尾帝御真遂幸修學院親賦詩令從臣和韻

十一月以邦光為親王○是歲吉宗禁元錄幣更造

新幣以復慶長舊制○諸國竹華實而枯○十一年

春二月越前勝山鳴動沙石湧出人畜溺死○夏六

月關白綱平罷以左大臣家久代之○秋七月清船

來獻方物及遼東參實百種採參記畧一帙燕物○

九月家久辭左大臣以右大臣吉忠補之內大臣無

香持右大臣准大臣宗顯為內大臣罷以權大納言

源通躬代之罷以權大納言幸教補之○冬十月伏

見親王邦永薨年五十一子親王貞建嗣○吉宗命

建部賢弘中根元圭校曆算全書○十二年春三月
親王昭仁始讀書明經博士清原宣通侍讀○安藝
海上蓬萊山見時漁父網大魚形如比目魚謂之沖
萬歲○夏五月安藝有瑞麥○秋七月東埔塞主六
佛嬌花遣其臣來獻方物乞互市吉宗給船牌通書
寄實○八月吉宗奏修小御所○冬十月元瑤大元
薨年九十四號普明院後水尾帝十一女也是為林
丘寺祖續錄○十二月禁神祀佛會作新樣○十三
年春正月荻生茂卿卒年六十三茂卿性豪邁博學

洽聞自負文才睥睨一世排宗儒學自立一家言著
書頗多旁嗜音律家藏名琴一張僧興傳嘗借之
茂卿待之甚傲興傳不以為意携琴而出茂卿曰公
欲摸造耶須剖解以熟視裡面斧痕徒摸其皮相無
為也興傳曰既已借矣即我之有耳何竅琴主之命
耶茂卿始驚其襟度○夏四月吉宗謁日光廟遂之
足利學校檢其藏書○老中松平忠周卒以大久保
常春為老中○六月親王昭仁為皇太子右大臣兼
香傳之○小御所成太子徙焉○幸教辭內大臣以

權大納言藤原致季為內大臣罷以權大納言冬熙
為內大臣○安南獻象○九月江戶大水漂沒兩國
橋前大橋及民舍溺死者七千餘人○大久保常忠
卒冬十月以酒井忠音為老中以堀田正虎為大阪
城代○內大臣冬熙罷以權大納言房熙補之房熙
兼熙之嗣也○是歲吉宗命有司建甲斐節婦阿栗
碑阿栗幼孤村長某憐其貧與資嫁村人安平未
幾安平罹惡疾栗躬耕以養舅夫是秋大雨風河水
暴溢人相呼曰大水將至時安平體爛潰不能起謂

栗曰我幸溺死汝宜速去汝之不我醜而扶助之勤
銘心不忘栗泣曰相伴數年臨難棄之妾不忍也言
未畢門外洶洶曰水聲近矣後者死栗扶舅出門託
之人舅曰同去栗曰大人步遲請先去妾與良人追
及乃入侍夫側誓天曰妾與夫同死遂共溺死紀
○十四年春二月堀田正虎卒以松平信祝為大阪
城代○夏四月天皇觀象於禁內象自拜跪人皆異
之○五月象至江戶吉宗觀之○冬十二月前左大
臣輔實薨年六十一孫植基嗣前關白綱平孫髮薨

敎信院子吉忠嗣○十五年春正月吉宗刊普救類
方頒布之諸國吉宗嘗憐僻地人民不得醫宗法命
醫林良適丹羽正伯等譯諸方緊要作一書至是成
○其四月內大臣房熙薨年二十一弟尚輔嗣○六
月京師火延燒三千餘戶吉宗發金穀以賑之○秋
七月以權大納言源惟通為內大臣○以大阪城代
松平信祝為老中以土岐賴稔為城代○天皇患麻
疹○命清人沈燮菴校唐律疏義○十六年春正月
吉宗造宗武第於江戸田安門內是為田安家祖宗

武吉宗之二子也○頻年登稔是歲穀價益低京師
斛米銀二十六錢○十七年夏四月吉宗設曲水宴
使侍臣賦詩○秋八月法皇崩年七十九稱靈元院
葬於泉涌寺○敬法門院薨年七十五東山帝之母
也○是歲諸道蝗西海山陰山陽最甚吉宗乃移關
東粟貸西諸侯以賑其民○穀價頓騰斛米銀二百
錢○筑前孝子正助家貧能事親敬長恤孤亦非人
及一夜有盜擔一苞米去正助蹤之則村人也明
日借一苞米於人負至其家曰子昨宵負歸之米是

我租稅請換以此苞其人罵曰吾不盜矣正崇曰且
莫大聲四隣聞之驚集檢其家出所竊之苞縛盜而
去是歲西海蝗無田不被焉獨正助畔內不見一蝗
熟如常歲鄉人嘆以為孝德之所感紀○十八年春
正月以關白家久為太政大臣○西南四道大饑餓
莩十六萬九千餘人吉宗每日給男米二合女一合
以賑救之○先是琉球貢甘薯於薩摩長寄人亦獲
之外舶以種各處是歉也賴以免饑者甚多年表○小
笠原貞任至於南海小笠原島文祿中信濃深志城

主小笠原貞賴以幕府命檢南海中始獲此島因以
其氏名曰小笠原島爾後每歲航以收其利寬永中
傳之是歲貞任以其曾孫再往取方物而歸州○二
月皇太子加冠○夏六月諸國大疫○秋九月親王
忠篤為聖護院門跡更名忠譽○冬十一月納左大臣
吉忠女舍子為東宮妃號御息所○十二月關白
家久辭太政大臣○是歲清沈燮菴沈南蘋等歸國
南蘋吳興人善畫最長花鳥寓長崎三年象晉神代
繡江從師之南蘋寫蘭一葉授之繡江學之一兩日

以示南嶺南嶺舍而不顧或告繡江曰子欲得南嶺
先生法須學一葉三十日繡江乃如其言南嶺果喜
而傳其法聞紀○十九年夏四月吉宗獻禮義類典五
百十三卷於京師耕○六月牧野英成辭所司代以
土岐賴稔代之稻葉正親為大阪城代本多忠良為
老中○秋八月稻葉正親卒以太田資晴為大阪城
代○二十年春三月帝讓位於皇太子在位二十五
年改元者二曰正德曰享保皇太子昭仁立是為櫻
町天皇